

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
Broj: 65 0 St 1142265 24 St
Sarajevo, 06.02.2025. godine**

Općinski sud u Sarajevu, i to stečajni sudija Nebojša Joksimović, rješavajući po prijedlogu za otvaranje stečajnog postupka nad privrednim subjektom "MB GROUP" Društvo sa ograničenom odgovornosti Sarajevo, ul. Srđana Aleksića broj 22, Sarajevo, donio je dana 06.02.2025. godine, slijedeće:

R J E Š E N J E

I Pokreće se prethodni postupak za utvrđivanje da li postoje uslovi za otvaranje stečajnog postupka nad privrednim subjektom "MB GROUP" Društvo sa ograničenom odgovornosti Sarajevo, ul. Srđana Aleksića broj 22, Sarajevo.

II Za privremenog stečajnog upravnika imenuje se Anes Mašić iz Sarajeva, ul. Paromlinska br. 29, Sarajevo.

Privremeni stečajni upravnik dužan je odmah po prijemu rješenja o imenovanju preduzeti radnje utvrđene odredbom člana 63. Zakona o stečaju, a naročito:

- obezbijediti imovinu dužnika i starati se o istoj,
- ima ovlašćenja da uđe u poslovne prostorije dužnik i provede neophodne radnje,
- utvrditi da li postoje razlozi i uslovi za otvaranje i vođenje stečajnog postupka,
- utvrditi imovinu stečajnog dužnika odnosno šta čini stečajnu masu,
- ispitati da li će imovina stečajnog dužnika pokriti troškove stečajnog postupka,
- utvrditi da li se poslovanje stečajnog dužnika može u cjelini ili djelimično nastaviti u toku prethodnog postupka i uraditi kontrolu poslovanja stečajnog dužnika,
- kada je podnosilac prijedloga za otvaranje stečajnog postupka stečajni dužnik, dostaviti izjašnjenje da li je stečajni dužnik, odnosno organ ovlašten za zastupanje stečajnog dužnika podnio prijedlog za otvaranje stečajnog postupka u roku od 60 dana od dana nastupanja platežne nesposobnosti.

Privremeni stečajni upravnik je dužan podnijeti izvještaj u roku od 30 dana od dana imenovanja u kojem će izvjestiti o poduzetim radnjama i iznijeti svoje stručno mišljenje o zatečenom stanju.

III Mjere pojedinačnog prinudnog izvršenja pokrenute protiv stečajnog dužnika privremeno se obustavljaju. Izlučna i razlučna prava povjerioci ne mogu ostvarivati u prethodnom postupku.

IV Pozivaju se povjerioci da predlože mjere osiguranja nad predmetima i imovinom stečajnog dužnika.

- V Ovo rješenje će biti istaknuto na oglasnoj tabli ovog suda sa danom donošenja.
- VI Rješenje se ima dostaviti Registru Općinskog suda Sarajevo radi upisa zabilježbe prethodnog postupka u matičnom registarskom broju subjekta upisa broj 65-01-0574-18.

O b r a z l o ž e n j e

Dana 26.12.2024. godine, ovome sudu podniet je od strane Advokatskog društva Arslanagić Elmir & Co d.o.o. Sarajevo kao punomoćnika Bucalović Lamije direktora društva "MB GROUP" d.o.o., prijedlog za pokretanje stečajnog postupka nad imovinom "MB GROUP" Društvo sa ograničenom odgovornosti Sarajevo, ul. Srđana Aleksića broj 22, Sarajevo.

U prijedlogu je navedeno da je stečajni dužnik platežno nesposoban duže od 60 dana, da duži vremenski nije u mogućnosti da izmiruje svoje dospjele obaveze prema povjeriocima, da je rad društva de facto potpuno blokiran i da društvo ne obavlja svoju registrovanu djelatnost, a da zbog blokade računa i nemogućnosti plaćanja zakupa poslovnog prostora stečajni dužnik nema ni sjedište društva u kojem bi mogao obavljati svoju djelatnost, pa je predloženo da se donese rješenje o otvaranju stečajnog postupka nad imovinom društva i provede stečajni postupak.

Na ročištu održanom dana 20.01.2025. godine, zakonski zastupnik društva "MB GROUP" d.o.o. Sarajevo, Lamija Bucalović je izjavila da joj je otac umro u aprilu 2023. godine, nakon čega su ona i mama preuzele firmu, mama kao vlasnik, a ona kao direktor i u datom momentu nisu mogli zatvoriti firmu zbog nedovršenih projekata, a shodno situaciji da mama ima posao, da je ona redovan student, bilo je teško balansirati između firme i njihovih obaveza, dodavši da su ih prije par mjeseci odjednom napustili svi radnici tako da su bili primorani zatvoriti firmu u situaciji kakva je i bila u tom momentu.

U odnosu na dugovanja gospođa Bucalović je istakla da prema drugim firmama ima dug cca 36.000,00 KM i na ime PDV-a dug oko 8.600,00 KM, kao i da su bila 3 Ugovora o kreditu koji su još uvijek aktivni i da su dugovanja po kreditima cca 90.000,00 KM, dok je na upit da li ima pokretne i nepokretne imovine, izjavila da nema ni pokretne ni nepokretne imovine.

Našavši da se u konkretnom slučaju radi o dopuštenom prijedlogu, a radi utvrđenja da li postoji stečajni razlog i da li postoje svi uslovi za otvaranje stečajnog postupka, te imajući u vidu činjenicu da je predlagatelj kao povjerilac uplatio predujam za pokriće troškova prethodnog postupka, sud je donio odluku kao u izreci, primjenom člana 61. Zakona o stečaju.

STEČAJNI SUDIJA

Nebojša Joksimović

POUKA: Protiv ovog rješenja žalba nije dozvoljena.